



KEMENTERIAN PERPADUAN NEGARA

KENYATAAN MEDIA GURU TABIKA PERPADUAN PERLU LULUSAN DIPLOMA

16 Oktober 2021, Putrajaya- Kementerian Perpaduan Negara (KPN) menafikan ada menyiarkan iklan menawarkan peluang bagi mengisi beratus- ratus kekosongan jawatan Guru Tabika baru-baru ini. Telah menjadi tular di laman sosial semenjak Jumaat (15 Oktober) apabila tersebar poster membabitkan iklan mencari ratusan jawatan sebagai Guru Tabika bagi pengisian di seluruh negara.

2. Iklan yang disiarkan dalam status Facebook bertajuk Semakan Dan Permohonan Online itu menggunakan logo Jabatan Kemajuan Masyarakat (KEMAS). Meskipun agensi KEMAS bukan di bawah KPN, gambar wajah dan nama Menteri Perpaduan Negara, Datuk Halimah Mohamed Sadique dijadikan sebagai hiasan utama poster, bagi memberi nilai komersial kepada iklan tersebut.

3. Iklan tersebut mencetuskan tanda tanya besar apabila mencatatkan syarat kelayakan mengisi kekosongan jawatan tersebut terlalu rendah iaitu sekadar lepasan Pendidikan Menengah Rendah (PMR) dan Penilaian Tingkatan 3 (PT3). Jabatan Perpaduan Negara dan Integrasi Nasional (JPNIN) turut memberitahu iklan khas mereka yang sebenarnya telah disiarkan pada 11 Oktober lalu bagi mengisi enam kekosongan Jawatan Guru Tabika Perpaduan Gred S29.

4. Kelulusan akademik sekurang-kurangnya Diploma Pendidikan Awal Kanak-Kanak merupakan syarat kelayakan utama bagi pengambilan Guru Tabika Perpaduan, Jabatan Perpaduan Negara dan Intergrasi Nasional. Turut dimaklumkan dalam iklan tersebut peluang mengisi jawatan Pembantu Operasi (Penolong Guru) Gred N11 yang menawarkan empat kekosongan.

5. Dalam siaran iklan melalui Facebook @Rakan Perpaduan Pahang itu, dengan jelas telah dinyatakan syarat-syarat yang perlu dipatuhi adalah calon lepasan Diploma dalam bidang berkaitan Pendidikan Awal Kanak-Kanak dari Institusi Pendidikan Tinggi tempatan. Poster mengelirukan itu telah mencatat hampir 1,000 perkongsian di laman sosial.

TAMAT

Mengenai Kementerian Perpaduan Negara:

Kementerian Perpaduan Negara ditubuhkan pada 10 Mac 2020 Fungsi utama Kementerian Perpaduan Negara adalah untuk memacu agenda perpaduan nasional bagi memastikan kesejahteraan dan keharmonian rakyat Keluarga Malaysia.

Pertanyaan media

Unit Komunikasi Korporat, Kementerian Perpaduan Negara

Tel: +603 8091 8041/ Fax: +603 8888 8568 /569

E-mail: pro@perpaduan.gov.my

No rujukan: KPN.UKK.1009/1/8 (94)